


Libro 113

Nº 16

Tratados 39.




Índice

1. . . Versa nationis doctrina ad sacros prophetarum libros.
2. . . Propositiones generales in universam Scripturam Sacram.
3. . . Disputationes de re philosophica.
4. . . Varii auctori.
5. . . Theus Theologica.
6. . . Oratio coram clarissimo U.
7. . . Propositiones generales in universam Scripturam Sacram.
8. . . Oratio habita in Academia Neapolitana.
9. . . Obra id.
10. . . Acta de la junta públ. para propagar y mejorar la educacion del pueblo.
11. . . Oracion dicha el 20 de Nov. de 1782 a la Sociedad patriótica de Sevilla.
12. . . Obra id. id. en 1772. id.
13. . . Obra id. id. en 1786 a id.
14. . . Palabra de la: circuncis.
15. . . Oracion de la Real Academia de la historia en 1773.
16. . . id. de la id. de S. Fernando en 12 de Julio de 1781.
17. . . Discurso pronunciado en la Real Academia Española por la
admission en ella del Sr. D. Jeronimo de la Cruz y S. p. p. p. p.











12

INSTITUTIO ACADEMICA
DE VERA VATICINII DOCTRINA
AD SACROS PROPHETARUM LIBROS
UTILITER EVOLVENDOS
IN REGIA HISPALENSI ACADEMIA
A BACC. JOSEPHO MA-
RIA ROLDAN,
JOSEPHO ANDREA
DE ROXAS,
THEOLOGIAE DOCT.,
AC SACRAE SCRIPTURAE
INTERPRETE,
SUPPETIAS EI FERENTE,
pro anniversaria concertatione defendenda
KALENDIS OCTOBRIS
Anno M. DCC. XCIII.



Hispani : Apud D. Felicem de la Puerta, Typographum.
Superiorum permissu.



IN REGIA HISPANICA ACADEMIA
PUBLICE MUSEOS
AD SACROS PROPHETARUM LIBROS
DE TERRA VATICANAE DOCTRINA
INSTITUTO ACADEMICO
A. BACC. JOSEPHO MA.
VIA HOLLAND

JOSEPHO ANDREA

DEBOLYS

THEOLOGICAL DOCT.
AC SACRAE SCRIPTURAE
INTERPRET.

2000

Universitätsbibliothek Bonn

KALENDARIS OCTOBRIS

V Etus opinio est, (a) jam usque ab heroicis ducta temporibus, et omnium gentium firmata consensu, versari quamdam inter homines scientiam rerum futurarum. Harum igitur praedictiones, ac praesensiones vaticinia solent appellari, quae *nil aliud declarant, nisi hominibus ea, quae sint, ostendi, monstrari, portendi, praedici.* (b)

Ut autem recto ordine procedamus, praemittamus oportet, *vaticinium esse rerum futurarum praedictionem, ex earum praecognitione manantem.* (c) Quod sic definitum esse volumus, ut omnium rerum futurarum quâcumque ex causa praesensionem comprehendamus. In universum triplex est, ut ex S. Thoma colligere, licet; (d) hominis, daemonis, et Dei: sive triplex est causa, ex qua homo potest futura praenuntiare. Aut enim ipsius hominis ingenio, ac scientiâ id efficitur; aut arte,

(a) Thll. 1. 1. de Div.

(c) Castr. in Isag.

(b) lib. 2. de nat. Deor.

(d) In cap. 1. ad Rom. lect. 2.

arte, opeque daemonis ; aut denique Divini Spiritus supernaturali afflatu humanae menti immutabili veritate futura ostendentis. Primus modus *naturalis* ; alter *artificiosus* , sive *divinatio* ; postremus *Prophetia* nuncupatur. De his ergò tribus praedictionum generibus breviter dissereamus. At cum duo priora creatae intelligentiae vires non excedant , tamquam ad unum genus revocamus : itaque omnem nostram tractationem in duas veluti partes dividemus ; quarum prima quidquid utilius ad praedictionem naturalem, et artificiosam , sive divinationem pertiens complectetur. Altera quae digniora, propriioraque de Prophetia videantur, uberiori calamo pertractabit. Iam verò de singulis sermonem instituimus.

P A R S I.

De Vaticinio naturali, et artificioso.

CAPUT I.

De praedictione rerum naturali.

I. **Q**Uaecumque futura praedicenda sint, sive in se ipsis, sive in eorum causis praevidentur: illorum cognitio uni Deo propria est, qui omnes vias hominis praevidit, (a) et novit antequam fiant: (b) aliorum autem, etsi non omnium, in suis causis praesensionem homini propriam esse, camque intellectus humani vires non excedere, nemo est, qui ambigat. Ita sanè Medici aegrorum sanitatem, aut mortem imminentem ex causis naturalibus solent praenuntiare. At verò cum ista necessaria non sint, sensusque hominis saepius hallucinentur, quae ventura praesentiunt homines, fallibilia sunt, deficereque possunt, immò certè, et non rarò deficiunt.

II. At haec cum ex consideratione causarum, signorumque procedant, ideò conjecturae potius, quam rerum praedictiones dicenda sunt. Cumque vaticinatio propriè, ac strictè, non conjectandi, sed praedicendi facultas sit, quasi res in se ipsis videantur, vim nullam naturalem praedicendi futura hominibus inesse, pro re comperta, ac explorata haberi, debet. Merito igitur Dominus idola irridet: *annunciate quae ventura sunt in futurum, et sciemus quia dii estis vos.* (c)

III. Decipiuntur igitur Philosophi, atque illi praecipuè, qui Platonici nominantur, sibi suadentes, esse hominibus secundum naturam vim, et facultatem in

(a) Ps. 138.v.4. (b) Dan. 13.v. 42. (c) Isai. 41. v.23.

anima futura praedicendi, et veteres, innatasque ideas, quae velut obiectae, sepultae, ac sopitae sunt, detegi, et suscitari; hominesque eò facilius futura praesentire, quò minus immersas, ac ligatas in corporibus animas habuerint. Hanc ergò opinionem fidei, et rationi contrariam rejicimus.

IV. Cum verò insomnia, et oracula, et Pythorum responsa, et omnis Necromantia ad harum divinationum naturalium genus vulgò referantur, nostrum de singulis judicium statim aperiemus.

CAPUT II.

De praedictione per insomnia.

I. **P**hantasma à motu simulacrorum in dormientibus productum insomnium dicitur. Horum autem causa duplex: altera interna; externa alia: prima item duplex, aut animalis, aut corporalis: illa accidit, quando somniantibus nobis talia apparent spectra, qualia vigilantes saepissimè agitare solemus. Sic enim amantes amores suos frequentè somniare, experiuntur. At corporalis ea est, cum ex diversa corporis partium dispositione in anima excitantur varia, sed convenientia phantasmata: idcirco sanguinei cantus, et voluptates; phlegmatici navigationes; colerici rixas in quiete non rarò agere videntur.

II. Causa etiam externa duplex est; una spiritualis, altera corporalis; nam et à Deo, et ab Angelo, et à daemone insomnia producuntur, atque interdum à qualitate aëris, et à coelorum, astrorumque affectione excitantur, ut opinabantur veteres. Quae à Deo, sive Angelo, aut daemone fiunt, supernaturalia vocantur, et sunt: de quibus aptiori loco pertractabimus.

III. Caetera verò, quae naturalia dicuntur, aliā
 „ temerè, ac fortuitò occurrentia, et quae nil pror-
 „ sùs significant, nec ullam cum futuris connexionem
 „ habent, et haec omninò rejicienda, atque spernen-
 „ da sunt. Alia statum, et constitutionem, sive tem-
 „ peramentum somniantis indicant, et ex his solent
 „ Medici morborum causas investigare. Nulla autem
 „ sunt, quae naturaliter futura contingentia praesa-
 „ giant. “ (a) Ad hanc igitur rem appositè nos erudit
 Ecclesiasticus: *Vana spes, et mendacium viro insensa-
 to: et somnia extollunt imprudentes. Quasi qui apreben-
 dit umbram, et persequitur ventum, sic et qui attendit
 ad visa mendacia.* (b)

C A P U T III.

De praedictione per oracula.

I. **N**EC oracula, si quae naturalia sint, ver-
 rae futurorum praedictiones sunt censendae. Quae igitur
 Delphici, Apollonis, Dodonaei, et Jovis Ammo-
 nis, Trophonii, Antri, Borystenis, Columnarum Her-
 culis, ac caeterorum consimilium, quae vulgò refe-
 runtur, daemonum ex propria scientia conjecturae fue-
 runt, stultum, et incautum vulgus (c) sic decipien-
 tium; quorum vaticinia passim deprehenduntur falsa.
 De his enim praeclare Tullius: „ Callidè, qui illa
 „ composuit oracula, perfecit, ut quodcumque ac-
 „ cidisset, praedictum videretur, et hominum, et tem-
 „ porum definitione sublatâ, adhibuit etiam latebram
 „ obscuritatis. “ (d)

II. Pythiae, sive Pythonissae, à Pythio Apolli-
 nis nomine sic appellatae, ab ipso illustrari atque
 af-

(a) Bona de discr. Spirit. c. 16.

(b) C. 34. v. 1. 2.

(c) Chrisost. Hom. 18. in Joan.

(d) Lib. 2. de nat. Deor,

(VIII)

affilari existimabantur. Ex his enim quarumdam corpora obsidebat, implebatque Pythius, daemon scilicet, ac per eas è ventre loquebatur. Talis fuit puella illa, ex qua exire spiritum, praecepit Apostolus. (a) Istarum ergo praedictiones, atque oraculorum etiam vaticinia stultae, callidaeque superstitiones fuerunt, et idcirco repellendae.

III. Etiam Pythones erant, à quibus Necromantia ducta est. Hi enim mortuorum animas, *Manes* videlicet, evocare, credebantur, et in assumptis corporibus apparere, sciscitantisque rerum, quae occultae, aut venturae erant, versuta, et callida responsa ab eis accipiebant consulentes. Hoc autem totum non nisi umbrae inanes erant à daemone objectae, qui harum fraudum, ac spectrorum callidissimus est, et maximus architectus, vanâ mortuorum imagine, aut specie viventium oculos illudens. Hâc igitur daemoniacâ arte lucrum quaerere, et incautos homines decipere, flagitiosi paestigiatore solebant. Ex eorum grege fuit mulier illa à Saule consulta (b) spiritum Pythonem habens, cui nil suae malae deservierunt artes; nam Samuel, aut ejus anima virtute magici carminis adacta non fuit, nec simulacrum ipsius effinxit Pythonissa, nec alia phantasmata concinnavit: praestitit illa facere quod Rex ab ipsa quaesierat, Samuelis nempe evocare animam; sed non fecit, nec potuit; et ut indubitatum teneatur, non posse vi ullâ creatâ cieri ita defunctorum animas, ut mortalium oculis iterum cogantur adsistere. Totis tamen viribus contendimus, veram ipsius Prophetæ animam, corpore assumpto, Sauli apparuisse, quod et ipsa S. Historiae propria narratio, et canonica Ecclesiastici libri exigit autoritas, de Samuele sic agentis: (c) *dormivit, et notum fecit Regi finem vitae suae, et exaltavit vocem suam de terra in prophetia, delere impietatem gentis.*

CA-

CAPUT IV.

De praedictione rerum artificiosa.

I. „**N**EC verò ad futuros eventus , et fortuitos casus praecognoscendos , ullae sunt artes , aut disciplinae ; sed fallaces , et vanae improborum hominum astutiâ , et daemonum fraudibus introductae , ex quorum operatione , consilio , vel auxilio omnis divinatio dimanat. (a) “ In hoc enim divinationis genere auguria , sive auspicia , et observationes portentorum , et Astrologia judiciaria , et missiones sortium , et prognosticorum Medicinae , et Physiognomiae , cujus Chiromantia pars est , intelliguntur passim. De quibus sequentia statuimus.

II. Divinatio , sive futurorum praedictio ex volatu , cantu , pastuque avium , aliisque consimilibus procedens , quibus accedunt inspectiones extorum in sacrificiis , et viscerum animalium considerationes , *augurium* , vel *auspicium* nominatur. Haec autem omnia vana , ridicula , inutilia , supersticiosaque sunt ; quorum si aliquod exitum habuerit fortassè felicem , casui , et non arti tribuendum omninò est.

III. Atque Abraham fuisse augurem , fas non est cogitare. Quod verò ille vaccam , capram , et arietem per medium dividerit , non autem turturem , et columbam ; quodque volucres super cadavera descendentes abigerit , et occumbente sole , sopor , ac horror magnus super ipsum invaserit , (b) haec , Deo praecipiente , ac dirigente , facta sunt , quorum unumquodque mira , et singularia portendebat sacramenta.

IV. Etiam Joseph hanc augurandi arte excelluisse , impium est credere. Idcirco verba illa Geneseos (c) :

B

Scy-

• (a) Sixtus V. in const. contr. Astrol. (b) Gen. 15. (c) 43.6.

scyphus, quem furati estis, ipse est, in quo bibit Dominus meus, et in quo augurari solet, non de augurandi scientiâ propriè acceptâ; sed impropriè, ac per translationem de quovis modo praesagiendi futura, et ostendendi occulta, sunt intelligenda. Altera praeterea ipsius Joseph suis fratribus objicientis verba: *an ignoratis, quod non sit similis mei in augurandi scientia?* (a) aut per jocum, et non seriò fuerunt dicta, ut SS. Augustino, et Thomae videtur: (b) aut per simulationem, iudicibus in exquirendis rationibus non obsoletam, ut opinantur Theodoretus, et Melchior Canus: aut denique non propriè, ac strictè augurandi verbum accepisse, credendum est; sed lato sensu pro quavis futura, et occulta praesentiendi facultate, sive à Deo, aut ab Angelo illa procedat: quod viro clarissimo Benedicto Pererio magis placuit, et nobis probabilius videtur.

V. Portenta autem in duplici genere collocantur: alia sunt vera, divina, mirabilia; alia verò falsa, diabolica, vana. Quae Deus rerum omnium sapientissimus gubernator, eventum aliquod indicaturus, solet efficere, ad primum genus revocantur. Talis fuit atra illa manus, quam scribentem: *Mane, Thecel, Phares* in pariete vidit impius Balthasar, (c) dum lautam ageret coenam; tenèbrae etiam, quae, moriente Christo, operuerunt terram; ac caetera, quae in Evangelica Historia narrantur mirabilia: et equites per aëra discurrentes, phantasmataque alia Jerosolimitanum excidium ab Antiocho portendentia. Quibus annumeranda sunt portenta illa ultimam civitatis, ac templi vastationem à Romanis, Jerusalem invadentibus, significantia: sydus videlicet gladio simile supra civitatem apparens; vacca in medio templi agnum enitens; aereaque templi janua immensi ponderis noctu sponte patefacta, unde *securitatem templi ultrò abiisse, secum*

(a) Ibid. (b) Quaest. 114. in Gen. et 2. 2. q. 95. a. 7. (c) Dan. 5.

cogitabant (a) Hebraeorum sapientes : atque tandem crucis illae , quae Angliae (b) tempore Elisabethae , Britannorum Reginae , in coelo apparuerunt. Ostendebant sanè catholicorum imminentem persecutionem , et martyrum supplicia pro fide Romana patientèr sufferenda ; ut vir satis eruditus , et pius non obscurè demonstrat. (c) Horum ergò , et omnium portentorum à Deo accipienda est vera interpretatio.

VI. Quae autem vulgò creduntur prodigia , vana , fortuita , aut diabolica sunt , et omninò respicienda : qualis utique fuit magnus ille gallinaceorum cantus , ex quo Thebanorum victoriam , fertur , fuisse praevisam : qui sanè cantus , ut scitè Cicero , portentum fuisset , si cecinissent pisces. De his omnibus nulla quaerenda interpretatio , quippe inutilis , vana , et supersticiosa est.

VII. Nec etiam per sortes futura quaelibet praesentiri , aut occulta cognosci possunt. Si quae igitur in Scripturis leguntur , (re verà leguntur) has Dei consilio in re maximi momenti missas fuisse , credendum est. Sicque effatum illud Salomonis : (d) *sortes mittuntur in sinum , sed à Domino temperantur* , intellectum esse , volumus. De caeteris verò idem iudicium , ac de portentis vulgò receptis ferendum est , et in quibus , ut praeclare S. Thomas , *peccatum intercedit , si quis etiam in necessitate absque reverentia Dei sortibus utatur.* (e)

VIII „ Astrologi verò , olim Mathematici , Genethliaci , et Planetarii vocati , qui vanam , falsamque syderum , et astrorum scientiam profitentes , divinaeque dispositionis ordinationem , suo tempore revelandam , praevenire audacissimè satagentes , hominum nativitates , seu genituras , ex motu syderum , et astrorum cursu metiuntur , et judicant futura ; non sine magno periculo erroris ; et infidelitatis sunt. “ (f)

(a) Joseph de bello l. 6. 5. (b) Sanderus Ribaden. lib. 3. de schismat. anglic. (c) F. Alfonsus Chacon. tract. de crucib.

(d) Prov. 16. 33. (e) 2. 2. q. 95. 8. (f) Sixt. V. in ead constit.

Turpissimè igitur falluntur ii, qui Judicium verba : (a) *de coelo dimicatum est contra eos, stellae manentes in ordine, et cursu suo adversus Sisaram pugnaverunt, de astrorum affectione, ac de futurorum per eadem significatione intellexere.*

IX. „ Alii etiam Geomantiae, Hidromantiae, Aëromantiae, Pyromantiae, Onomantiae, Chyromantiae, Necromantiae, aliisque sortilegiis, ac superstitionibus, non sine daemonum saltem occulta societate, aut tacita pactione operam dare :: non venturur. “ (b) Decipiuntur Chyromantici, sequentia Jobi verba : (c) *qui in manu omnium hominum signat, ut noverint singuli opera sua,* de Chyromantia interpretantes.

X. Denique omnes hae divinationes ex falsa, vanaque opinione procedunt; supersticiosae, atque illicitae sunt, ut docet S. Thomas, (d) ideoque rejiciendae; namque in illis semper se ingerit daemonis operatio, ut hominum animas ad vanitatem, et falsitatem impellat. Quamobrem Israëlitico populo omnis divinatio meritò interdicta fuit, eamque vehementer execratur Deus.

XI. Satis, superque sit de Divinatione: superest ergò ut de Prophetiâ loquamur. De qua, cum multa, subtilia, scituque digna inveniantur, ut promissimus, sermo progredietur longius.

PARS

P A R S II.

De Vaticinio supernaturali, sive de Prophetia.

CAPUT I.

De existentia Prophetiae.

I. **F**UERE quidam Philosophi, et hi quidem magni, atque nobiles, qui veras praesensiones, ac praedictiones rerum futurarum, Prophetias nempe, agnoverunt. Haec autem Philosophorum sententia, cum ex divinitatis notitia, ideâque procederet, de ejus natura inter ipsos summâ cum dissensione certabatur: Prophetiam tamen esse, nemo illorum omninò negavit. Qualis verò esset, ex quaque caussa procederet, dissidium non leve fuit. Quamobrem alii ab intelligentiis, Angelis scilicet, initium ducere: alii autem à superiori intelligente potestate, Deo videlicet, immediate procedere, sentiebant. Itaque deridenda potius, quam opugnanda Epicureorum amentia, omnem prorsus futurorum scientiam respuentium; qui eò pervenire, ut non solùm veram ullam praedictionem aliquando extitisse, sed possibilem esse, impudentissimè inficiarentur.

II. Horum deliramentum fidei, et rationi adversum judicamus, verasque Prophetias jam usque ab ipsius mundi exordiis extitisse, permansurasque donec saecula extinguantur. Deus enim sapientissimus gubernator omni tempore hominibus providit convenientia auxilia, quibus arcana sapientiae suae sacramenta, quomodo ei placuit, misericors iisdem revelavit.

III. Ex praecipuis, quae ipse largitus est auxilia,

(XIV)

lia, unum est Prophetiae donum, quod in veteri lege abundè dedisse, Prophetarum libri praeclarè convincunt; temporibus autem gratiae uberius: et tunc, Petro Apostolorum Principe interprete, (a) usque ad summum impletum fuit Joélis effatum: *effundam spiritum meum super omnem carnem: et prophetabunt filii vestri, et filiae vestrae: senes vestri somnia somniabunt, et juvenes vestri visiones videbunt.*

IV. Hujus abundantioris doni testes locupletissimi sunt Agabus, quatuor Philippi virgines filiae, ac plerique alii Evangelicae Legis Prophetae. (b) Quibus addere licet SS. Columbanum, Gerardum, Franciscum Xaverium, Brigittam, Teresiam, innumeros, quos ad nostra usque tempora Prophetiae dono claruisse, (c) non nisi audacissimè, et impiè quisquam inficiabitur.

V. Nec verba Servatoris nostri: *omnes Prophetiae, et lex usque ad Joannem prophetaverunt*, (d) praedictis officiunt. De iis Prophetis re verà intelligenda sunt, qui ejus adventum praedixere, ut clarus vir Maldonatus longè, latèque ostendit.

CAPUT II.

De Variis Prophetiae nominibus, et acceptionibus.

I. **L**ibris canonicis multiplices, variasque appellationes sortitur Prophetia. Saepissimè *Visio*; aliquando *Auditus*, sive *Auditio*; non rarò *Verbum Dei*; *Oraculum* etiam nuncupatur. Exempla communissima sunt, passimque reperiuntur; idcirco silentio praeterire, volumus. A sensibus enim, per quos illa recipitur,

(a) Act. 2. 16. 17. 23.

(b) - Act. 11.

(c) Bened. XIV. lib. 3. de beat. c. 47.

(d) Math. 11. 13

tur, aut ab eorumdem actibus, quibus enuntiatur, has omnes adscivit denominationes. Unâ etiam, alterâque vice *Onus* appellatur, cum dura, graviaque hominibus minitatur supplicia. Denique non semel *Stillatio* reperitur inscripta; (a) propterea quod non totam Dei simul inferat iram, sed parvas stillas comminatione denunciât; aut quia ad pluviae similitudinem fluat, et ad aures audientium veniat. Sed quod priùs retulimus, magis Scripturae consuetudini congruit.

II. Quod attinet ad Prophetæ nomen, diversas in Scripturis patitur acceptiones. Divinae voluntatis interpretes, (b) verbi Dei praecones, atque Doctores nuncupantur Prophetæ. Hâc de causa Aaron à Domino dicitur Prophetæ Moysis. (c) Religiosis etiam viris, Deumque verè colentibus ipsum nomen tribuitur. Sic intelliguntur, quæ de Abrahamo ad Abimelech fuerunt dicta: *redde viro suo uxorem, et orabit pro te, quia Prophetæ est, et vives.* (d) Et cum Achab Carmeli monte omnes Prophetas congregasse, dicitur, et omnes, qui reperiri potuerunt, Jezabelis jussu esse occisos, et ex iis centum Abdiam abscondisse, viros pios, et Deo servientes intelligamus, oportet.

III. Insuper prophetare, dicuntur, qui divinas laudes modulantur, et qui portentum aliquod, et supra naturam insolitum operatur. Sic enim filii Asaph, et Heman, et Idithun in citharis, et psalteriis, et cymbalis prophetabant. (e) Et planè intelligitur illud de Saule dictum: *et factus est etiam super eum Spiritus Domini, et ambulabat ingrediens, et prophetabat.* (f) Non futura prædicebat, aut occulta, incertaque sapientiae divinae enunciabat; sed tantùm hymnos, laudesque Deo decantabat. Et quia Elisei ossa, eorum contactu mortuus revocatus est ad vitam, prophetasse, legimus. (g)

IV.

(a) Amos. 7. 16.

(b) Eccli. 24. 46. et 1. ad Cor. 14. 13.

(c) Exod. 7. 1.

(d) Gen. 20. 7.

(e) 1. Paral. 25. 1.

(f) 1. Reg. 19. 22.

(g) Eccli. 48. 14.

IV. Denique viri phanatici insolita, inepta, alienaque effutientes, appellantur Prophetæ: sic Sacerdotes Baal ab Eliâ nominantur Prophetæ, et Saul à daemone exagitatus domi prophetabat. (a)

CAPUT III.

De natura, ac essentia Prophetiæ.

I. **P**rophetia igitur, ut Casiodoro videtur, (b) est „ inspiratio, vel revelatio divina rerum à nobis „ procul distantium eventa immobili veritate, maxi- „ mæque certitudine prænoscens, atque denuntians. “

II. Caeterum *Prophetiæ spiritus non semper Prophetarum mentes irradiat*, (c) egentque propterea ut continuo, aut novâ afflentur inspiratione, ut prophetare valeant: hinc apud ipsos illa tam crebrò repetita phrasis: *Haec dicit Dominus: Verbum Domini*, et similia.

III. Hic etiam spiritus nonnumquam deficit à Prophetis, qui aliquando „ dum consuluntur, ex mag- „ no prophetandi usu quaedam ex suo spiritu pro- „ ferunt, et se hæc Prophetiæ spiritu dicere, suspi- „ cantur: sed quia sancti sunt, per Spiritum Sanctum citius correcti, ab eo, quæ vera sunt, audiunt, „ et semetipsos, quia falsa dixerunt, reprehendunt. “ (d) Hæc Gregorius. Quæ S. Doctoris sententia exemplo Nathan (e) evincitur apertè. David enim templum Domino extruere cogitante, gratum Deo fore consilium, sine ulla dubitatione asseruit Propheta; in quo tamen quam deceptum Nathan probavit eventus. Paulò post quod edixerat, Dei monitu revocavit, et à proprio spiritu cognovit suggestum. Cumque alia in Scrip-
turis

(a) 1. Reg. 18. 10. (b) In præf. sup. Ps. (c) Greg h. 1. in Ezeq.

(d) Greg. ibid. (e) 2. Reg. 7.

turis non facile reperiantur exempla consimilia, Originis sententiam, qui ea existimavit frequentiora, expungi debere, judicamus.

IV. Ergo ad Prophetiam illustratio divina prorsus est necessaria, ut ea humanae menti objiciat cognoscenda, quae naturae viribus attingi, nequaquam possunt: praeterea verò, mentem, atque intelligentiam novâ quâdam, et coelesti luce perfundat, et naturalem intelligendi vim roboret, ac vegetet; ita verò, ut ipsius facultati sese accommodet, ejusque functiones non impediat, sed juvet, et promoveat. Sicque moti, et à Spiritu Sancto edocti didicerunt Prophetæ, quae ventura erant, et certum tempus, et modum eorum, quae praenuntiabant. Atque de hoc argumento decretoria sunt Petri Apostoli verba, (a) de veteribus Prophetis sic alloquētis: *Exquisierunt, atque scrutati sunt Prophetæ, qui de futura in vobis gratiâ prophetaverunt, scrutantes in quod, vel quale tempus significaret in eis spiritus Christi.* Quibus sanè verbis etiam Montani, et Priscilliani vesania refellitur, qui Prophetas, aiebant, tamquam arreptitios minimè intelligentes, quae dicerent, sua vaticinia edidisse. Exquirere enim, et scrutari, intelligentis est, et cupientis, ea, quae exquirat, et investigat, planiùs, atque apertiùs cognoscere. *Inspiratio Omnipotentis, ait Job, (b) dat intelligentiam: et qui Propheta dicitur hodiè, vocabatur olim videns: (c) quia videbat ea, quae caeteri non videbant, et perspiciebat ea, quae in mysterio abscondita erant: ut rectè explicat Isidorus. (d)*

V. Atque Prophetas, quorum mens divinitus illustratur, non solum ea, quae sibi revelata sunt, cognoscere, sed etiam de ipsa revelatione divina certitudinem habere, statuendum est: itaque quid divino, humanove spiritu Prophetæ loquerentur, dono, aut gratiâ discretionis discernebant. Quapropter Prophetarum

(a) 1. C. 1. 10. 11.

(b) 32. 3.

(c) 1. Reg. 9. 9:

(d) lib. 7. Etym. c. 8.

rum primì, et secundi ordinis distinctio, quam duo Anónymi Galli (a) excogitarunt, quâque contendebant, et esse Prophetas, qui semper vera, et quae tantùm Divinus Spiritus eis inspiraverat, loquiebantur; et qui cum verè revelatis multa miscebant, quae proprius spiritus, aut diabolicus suggesserât, omninò est rejicienda, quia Patribus ábsona, et Theologis omnibus ignota.

VI. Tandem ad naturam veri, ac plenì Prophe-
tae spectat, ut quae videt, audit, et alloquitur, sen-
sum eorum introspeciat, intelligat, non ignoret. *Non
est autem*, ait Augustinus, (b) *Propheta veri Dei et
summi, qui oblata divinitus visa, vel solo corpore,
vel etiam illâ parte spiritus videt, quâ corporum ca-
piuntur imagines, et mente non videt.*

CAPUT IV.

De dignitate ac veritate Prophetiae.

I. **P**rophetiam inter omnia spiritualia charis-
mata, et dona, charitate exceptâ, praestantior, at-
que digniorem esse, una est Patrum, et Theologo-
rum concors sententia: id enim innuere videtur Apos-
tolus, inquit: (c) *sectamini charitatem, aemulamini
spiritualia, magis autem, ut Prophetis.* Ipsius digni-
tas ex eo maximè est repetenda, quod fidelium uti-
litati plurimùm inserviat, perpetuòque in Ecclesia (ut
diximus) perseveret, atque per eam potissimùm coar-
guantur, et dijudicentur infideles, et occulta cordis
eorum manifesta fiant: et tunc cadentes in faciem,
adorabunt Deum, pronuntiantes, quod verè Deus est:
ut per universum caput persequitur Paulus.

II. Sed cum non voluntate humanâ allata est ali-
quan-

(a) Traité des Prophet. (b) Cont. Adm. cap. ult. (c) 1. Cor. 14

quando Prophetia ; sed Spiritu Sancto inspirati , locuti sunt sancti Dei homines , (a) veram , et infallibilem credendi regulam esse Prophetiam , orthodoxâ fide sancitum est. Impudentissimè igitur mentitus est Apelles haereticus , qui , ut author est Eusebius , (b) Prophetias à Spiritu sibi contrario , secumque pugnante editas esse , aiebat.

III. At revelationes hae , publicae nempè , et canonicae , super quarum fundamento , docente Paulo , (c) superaedificati sumus , et quae continentur libris sacris , magnâ apud nos autoritate gaudent , et ad fidem catholicam spectant. Quae autem à sanctis viris , et foeminis editae sunt , et privatâ autoritate circumferuntur , etiamsi ab Ecclesia probatae , eis tamen solâ pietate , probabilique ratione cogimur , assentiri : quamobrem firmum , et effîcax argumentum praecipuè in rebus fidei , et morum , praestare , nequeunt. Caeterùm ad detegendos implexos , et obscuros Scripturae sensus , non parùm utilitatis habent , et ali- quando inserviunt.

CAPUT V.

De gradibus , sive speciebus Prophetiae.

I. **P**rophetiae spiritus multis , variisque modis attingit Prophetarum animos. Isidorus septem enumerat species , sive gradus , qui ab ipso genera appellantur. (d) „ Primum est ecstasis , quod est mentis excessus , sicut vidit Petrus vas submissum de coelo cum variis animalibus. Secundum est visio , sicut „ apud Isaiam dicitur , vidi Dominum sedentem. Tertium somnium , sicut Jacob scalam dormiens vidit.

„ Quar-

(a) 2 Petri. 1. 21.

(c) Eph. 2. 10.

(b) Lib. 5. Hist.

(d) Lib. 7. Etym. c. 8.

„ Quartum genus est per nubem , sicut ad Moysem
 „ loquebatur Dominus. Quintum est vox de coelis,
 „ sicut de Abraham sonuit Deus , dicens : ne mittas
 „ manum in puerum. Sextum est accepta parabolâ,
 „ uti contigit Balaam. Septimum est repletio Spiritus
 „ Sancti , sicut penè apud omnes Prophetas.“ Haec
 divisio desumpta est ex modorum , et obectorum,
 formarumque diversitate , quibus Prophetiæ spiritus
 communicatur.

II. Scholastici verò suo more multiplices Pro-
 phetiæ divisiones , subdivisionesque statuunt , quas re-
 petunt ex parte luminis , aut objecti , vel ex parte
 medii , modive , ut ipsi loquuntur. Qui subtilitatibus
 delectantur , grandia eorum volumina evolvere , et sui
 laboris fructum maximâ cum animi voluptate capere ,
 possunt.

III. Caeterum Augustinus omnes gradus , spe-
 ciesve Prophetiæ , tam in libris de Genesi ad litte-
 ram , quàm in aliis , quibus haec opportunè pertrac-
 tavit , ad tria tantum genera revocat. „ Unum secun-
 „ dum oculos corporis , sicut vidit Abraham tres vi-
 „ ros sub ilice Mambre::: Alterum secundum quod
 „ imaginamur ea , quae per corpus sentimus : nam et
 „ pars ipsa nostra cum divinitus assumitur , multa
 „ revelantur , non per oculos corporis , aut aures ,
 „ aliumve sensum carnalem , sed tamen his similia ,
 „ sicut vidit Petrus discum illum submitti è coelo
 „ cum variis animalibus. Tertium autem genus visio-
 „ nis est secundum mentis intuitum , quo intellecta
 „ conspicitur veritas , atque sapientia.“ (a)

IV. „ Potest etiam fieri , (verba sunt Augustini
 „ prae laudati) ut etiam in spiritalibus , vel intellec-
 „ tualibus multos quosdam gradus , quisquam esse
 „ contendat , aut , si possit , ostendat , eosque distinc-
 „ tos juxta aliquem pro vectum magis , minusve illus-
 „ trium revelationum. Sed utcumque se ista habeant ,
 „ et

(a) Lib. cont. Adim. cap. ultim.

„et accipiantur, ut libet, ab alio sic, ab alio autem sic,
 „ego visorum, vel visionum praeter ista tria gene-
 „ra, aut corpore, aut spiritu, aut mente usque adhuc,
 „vel nosse, vel docere, non possum: sed quot, et
 „quantae singulorum generum sint differentiae, ut in
 „unoquoque aliud alio gradatim superferatur, igno-
 „rare me, fateor.“ (a) Unum tantum monet S. Doc-
 „tor, quod *omnia haec genera mirificis, et ineffabili-*
bus distributionibus exhibet, atque moderatur Spiritus
Sanctus summae, incommutabilisque sapientiae. (b)

V. Verum manifestationes hae communi, et or-
 dinariâ lege hominibus non conferuntur, nisi Angelo-
 rum ministerio: nam quae à Deo sunt, ut Paulus do-
 cet, (c) omnia sunt ordinata; et Divinitatis ordo exi-
 git, (d) ut infima quaeque per media disponantur.
 Aliquando tamen, et raro hujuscemodi visiones ab
 ipso Deo, nullo adhibito Angelorum ministerio, re-
 verâ perficiuntur. *Sed cum per semetipsum Deus loqui-*
tur, sola in nobis vis internae inspirationis aperitur, et
de verbo sine verbo, et syllabis cor edocetur. (e)

CAPUT VI.

De somnis propheticis.

I. **I**gitur de somnis propheticis sermonem ins-
 tituentes, non solum muneris nostro facere satis, in-
 tendimus; sed etiam Epicureorum refellere audaciam,
 qui omnium quidem, et maximè divinorum somnio-
 rum, sustulere fidem, indignum putantes obire Deum
 lectos dormientium, ut sternerentibus injiciat somnia.

II.

- (a) Lib. 12. de Gen. ad litt. c. 29. (b) Lib. cont. Adim. c. 27.
 (c) Rom. 13. 1. (d) Dyon. de Eccl. Hier.
 (e) Greg. 1. mor. 28. c. 2.

II. Verùm enim verò quae mittuntur à Deo, vel per novas species intelligibiles in mentem, vel per novas imagines in phantasiam, aut certè per novam earum compositionem, quae mente jam inerant, prophetica somnia sunt, ac divina; quae cum à Deo proficiscantur, interpretationem merentur, et fidem. Horum exempla multa, et luculenta in Scripturis inveniuntur. Joseph in somnio vidit solem, lunam, et undecim stellas adorantes eum; (a) et Mardochaeus voces, et tumultus, et tonitrua distinctè audivit. (b) In somnia haec, et alia centena, quae canonicis libris narrantur, divinitus fuisse immissa, rerum, quas portendebant, probavit eventus.

III. Atque inter divina duo recensemus somnia, quorum unum Pilati uxori, alterum Teodosio contigit. Illa per somnium, et Christum insontem, Deique Filium esse, cognovit; et mala prospexit, quae ejus nece Jerosolimitanae Civitati erant ventura: Iste verò coronam sibi à Mileto, Antiochiae Episcopo imponi, in somnio vidit; quo intellexit, amplissimam Imperii gloriam, et potestatem ei esse paratam.

IV. Ex his, quae hucusque exposuimus, quisque faciliè perspiciet, divinorum somniorum causam esse Deum: finis autem est ipsius potentiae, ac gloriae ostensio, et ejus erga homines benignitas, et misericordia. Ob hanc igitur rem saepè saepiùs terribifica somnia in peccatorum, ac sceleratorum mentes immittuntur à Deo, (c) quibus monentur, ut resipiscant. *Terrebis me per somnia*, ajebat Job. (d) Aliquando per somnium excitantur homines ad rem arduam, et difficilem agrediendam, sed feliciter omninò exituram; sicut Gedeoni contigit, (e) et Judae Machabaeo, (f) ut ille contra Madian, iste adversus Nicánorem committeret praelium. Et viros fideles, ut aliquid sive assequantur, sive fugiant, non semel edoceri, Evan-

ge-

(a) Gen. 37. 9.

(b) Esth. 11.

(c) Gen. 20. et 31.

(d) 7. 14.

(e) Jud. 7. 13.

(f) 2 Mach. 15. 11.

gelicâ Historiâ compêrimus. Joseph, ne discederet ab uxore, admonetur in somnio; (a) et Magi per aliud iter jubentur, in domos suas redire. (b) Haec autem omnia praeclare complexus est Eliu; inquit: *Per somnium in visione nocturna, quando irruit sopor super homines, et dormiunt in lectulo; tunc aperit aures virorum, et erudiens eos, instruit disciplinâ, ut avertat hominem ab his, quae facit, et liberet eum de superbia.* (c)

V. Cum verò prophetia, et divina somnia Deum habeant authorem, et aliquid per illa semper intendat, eorum interpretatio studiosè ac diligenter est inquirenda. *Et quis hominum poterit, scire consilium Dei? Aut quis poterit, cogitare quid velit Deus?* (d) Quae Dei sunt, ait Paulus, (e) nemo cognovit, nisi Spiritus Dei. Ergò divinitus erudiendus, qui illa detegere, aut intelligere, cupiat: et maximè cum eorum pauca sint aperta, et clara; plurima autem obscura, aenigmatibus plena ac involuta, et quae ex solâ Dei voluntate, institutioneque significant. Hoc voluit indicare Daniel, cum Nabuchodonosori somni sui intelligentiae satagenti, dixit: *mysterium, quod rex interogat, magi, arioli, aruspices, et sapientes nequeunt indicare regi: sed est Deus in coelis, revelans mysteria.* (f)

VI. Opus tamen non est, ut somnia ritè interpretentur, divinam revelationem intercedere. Multoties enim prudenti conjecturâ à Doctoribus explicantur, eâ scilicet ratione, et viâ, quâ aenigmata, et parabolae enodantur. Sic igitur insomnia praepositi pincernarum Pharaonis, et pistorum magistri, (g) quae, nemine dubitante, divina fuere, à Joseph dissoluta fuisse, putamus: propterea non Propheta, sed conector à Moyse ibi appellatur.

VII. Ut huic capiti finem imponamus, praetere-

re-

(a) Math. 1. 20.

(d) Sap. 9. 13.

(g) Gen. 40.

(b) Id. 2. 12.

(c) Job. 33. 15. 16. 17.

(e) 1. Cor. 2. 11. (f) Dan. 2. 27.

reundum nobis non est, in his somnis perfectum rationis exercitium, perfectamque judicandi facultatem posse retineri, quamvis id nos communi, naturalique lege fiat; quod enim Salomonis somnio non obscurè probatur. Neque nos fugit dissidium inter Theologos fuisse, et adhuc perseverare: an in somnio re verâ ille meruerit. Affirmantem sequimur partem, et proprio Scripturae sensui inhaerentes, probabilius credimus, sapientiam, (non ante petitam) et gloriam in somno fuisse promeritum.

CAPUT VII.

De Ecstasi, et Raptu prophetico.

I. S Apienter admodum dixisse, videtur magnus Gregorius, (a) „ sanctos viros, qui non corpore, sed „ virtute sopiuntur, laboriosius dormire, quàm vigi- „ lare; quoniam ab hujus mundi inquieta concupis- „ centia penitus subtrahuntur: ac dum terrenarum ac- „ tionum strepitum deserunt, per quietis studium eo- „ rum mens virtutibus intenta, vigilans dormit. „ In- nuere enim, voluit S. Doctor, quid esset ecstasis per se. Nec illum dixisse, mireris, ab illiciente concupiscentia subtrahi eos, et actionum strepitum deserere: quippe in ecstasi perfectè dormiunt, et alto somno quiescunt; et simul vigilaunt, non corpore, sed mente Deo intentâ.

II. Est ergo ecstasis dormitio quaedam vigilans, seu vigilia dormiens, quâ videlicet anima à sensibus abstracta, et divina sentiens, et dormire, videatur, munda, et vigilare Deo: vel rectius eam definire, possumus: elevatio mentis in Deum cum abstractione à sensibus externis, ex magnitudine ipsius elevationis pro-

(a) Lib. 5. M. c. 22.

cedens. Cum enim finitae virtutis, et capacitatis anima sit, quantò efficacius, et vehementius uni functioni est attenta, tantò minus aliis intendit. Undè consequitur, agente, et illuminante illam Deo, tantà intentione Divinis rebus inspiciendis incumbere, posse, ut nec praesentia videat, nec verba propè loquentium audiat, neque etiam ferrum, aut ignem corpori suo admotum percipiat. Tunc dicitur, ecstasim pati. „ Tunc enim, ut Augustini verbis utar, (a) omninò quaecumque sint praesentia corpora, etiam patentibus oculis, non videntur, nec ullae voces prorsus audiuntur: totus animi contuitus, aut in corporum imaginibus est per spiritalem, aut in rebus incorporeis, nullà corporis imagine figuratis, per intellectualem visionem. “

III. Duo ergò necessaria inveniuntur in ecstasi: vehemens occupatio interior ex divina gratia procedens, et abstractio externa ab omni sensuum usu, quae ex illa priori quasi naturaliter emanat, ut rectè explicat Doctor Angelicus. (b) Nulla est penes hominem industria, aut solertia, quàm omnimodam à sensibus abstractionem efficere, valeat; nec tantà intentione divinis rebus insistere, ut eorundem externorum sensuum retineat usum. Anima per ecstasim suavissimè ad interiora colligitur, et in altissimam contemplationem veluti immersa, soli Deo attentissimè vacat.

IV. Quod attinet ad raptum, duo genera nobis refert Scriptura: unum corporis; alterum mentis. Nunc de posteriori agitur. De illo in Genesi (c) dictum est: *Henoch ambulavit cum Deo, et non apparuit, quia tulit eum Deus.* Et Regum quarto: (d) *ascendit Elias per turbinem in coelum: et Spiritus Domini rapuit Philip-pum.* (e) Raptus verò, de quo nobis est sermo, id solum ecstasi addere videtur, quod vim quamdam ani-

D

mae

(a) De Gen. ad litt. lib. 12. c. 12. (b) 2.2.q. 175. a. 2.
 (c) 5. 24. (d) 2. 11. (e) Act. 8. 39.

mae inferat, eamque celerrimè, et potentissimè à sensibus avellat, et ad magnarum rerum inspectionem levat. In hoc autem posita est ejus natura, quod anima contra suae naturae modum potenter, et celeriter ad superiora feratur. Nam tunc Spiritus Domini eam apprehendit, et instar Aquilae parvum animal, quod per terram repit, abripiens, et in aëra portans, sic eam ab omni terrenorum usu abscissam secum abducit.

V. Hujus generis fuit Ezequielis raptus. *Et emissas*, inquit, *similitudo manus apprehendit me in cinctu capitis mei: et elevavit me spiritus inter terram, et coelum, et adduxit me in Ierusalem in visione Dei.* (a) Neque enim fuit corpore elevatus, aut ab eo loco, in quo erat, alio mutatus, sed spiritu, aut intelligentiâ avulsus à corpore, et à sensibus absolutus. Tales etiam fuerunt duo raptus Pauli, (b) cum ait: „ Scio hominem in Christo ante annos quatuordecim, sive in corpore nescio, sive extra corpus nescio, Deus scit, raptum hujusmodi usque ad tertium coelum. Et scio hujusmodi hominem, sive in corpore, sive extra corpus nescio, Deus scit: quoniam raptus est in Paradisum. “

VI. Hoc etiam singulare, ac coeleste donum, aliquibus hominibus, qui sanctimoniâ claruerunt, et iis praecipuè, qui multos in Christo genuère, et peperere filios, à Deo fuisse concessum, in ecclesiasticis monumentis scriptum reperimus: et piè credendum, multa arcana, et futura his in raptibus vidisse, et intellexisse: quod de Dominico, Francisco, Ignatio probabilissimâ ratione asserere, non dubitamus. Raptum fuisse Dominicum, testatur Surius, (c) qui cum in Missa Corpus Christi purissimis manibus in altum levaret, cunctis, qui aderant, spectantibus, et stupentibus, ipse pariter cubiti unius altitudine à terra elevatus fuit. Raptum quoque Franciscum, „ qui, *ut Bonaventura*

(a) Act. 8. 39. (b) 2. Cor. 12. (c) In ejus vit. libr. 2. c. 6.

5, *refert*, (a) visus est nocte manibus admodum crucis protensis, toto corpore sublevatus à terra, et nebulâ quadâm fulgente circumdatus, ut illustrationis mirabilis intra mentem, mira circa corpus perlustratio testis esset. « Etiam Ignatium: nam factum est aliquando, ut alienatus à sensibus, et elevante spiritu sarcinam corporis, quatuor circiter cubitis à terra sublimis conspiceretur; et quidem ex consortio sermonis Domini totâ facie mirum in modum radiante. (b) Et tandem virginem Teresiam frequenter raptam fuisse, fatentur omnes piè, et rectè de religione sentientes. (c)

VII. Cum in ecstasi, vel raptu anima dicitur, à corpore, aut à sensibus abscindi, non ita intelligendum, quasi ab eo discedat, et iterum ad ipsum informandum regrediatur, ut placuit quibusdam Platoniciis. Utrum autem hoc aliquando acciderit, incerta, et difficilis est quaestio, quam definire non audeamus; et maximè cum Paulus, an in corpore, vel extra corpus raptus fuerit, se nescire, fatetur. (d) Alteram verò multùm, diùque agitatam quaestionem, an scilicet hujusmodi discessus saltèm possibilis sit, non est operosius dirimere, etsi litigantium aequalia videantur pondera, sive rationum momenta: iis tamen assentimur, qui affirmantem partem tuentur, quia cum Dei potentia minimè pugnat. Idem iudicium ferendum est de illa, quae charitatis, et aliarum virtutum actus in ecstasi, vel raptu exerceri posse, statuit.

VIII. Ne aliquis nobis objiciat, nil expositum esse de iis, quibus tanquam instrumentis ecstasis, vel raptus fiat, licèt ex superioribus satis apareat, agente Deo, animam excedere, et à sensibus alienari, haec tantùm ex Richardo (e) addere, consultò decrevimus. Ait ergò: „tribus de causis animam in alienationem „adduci, aut prae magnitudine devotionis, aut prae „mag-

(a) In vit. c. 10. (b) Mass. lib. 1. c. 7. (c) Vid. ejus vit.
(d) 2. Cor. 12. (e) Lib. 5. de cont.

„ magnitudine admirationis, aut prae magnitudine exultationis. Primum ornat affectum: secundum illuminat intellectum: tertium ad utrumque consequitur. “ Tu, verò eum consule.

IX. Horum quolibet mira et insolita in corpore operatur: nam omnis calor intrò recipitur; frigidum ac rigidum, et ineptum ad se movendum redditur. Propterea in ecstasi, vel raptu, aut sedet, aut jacet, aut in loco, ubi erat, ceu columna quaedam immotum perstast. Interdùm procumbens, super faciem prosternitur; aliquando vi spiritus in aëra levatur; saepe saepiùs brachia, et manus sursùm attollit, vel aliis modis insuetis vehementiam interioris motionis ostendat. Ex iis aliqua expertus est Daniel; (a) nam et ipse ait: *vidi visionem grandem hanc; et non remansit in me fortitudo, sed species mea immutata est in me, et emarcui, neque habui quidquam virium.* Et Joannes de Angelo, qui sibi apparuerat, loquens: (b) *cum viderem eum, cecidi ad pedes ejus tamquam mortuus.* Quod Ignatio Lojolensi accidit, ut ejus Canonizationis acta testantur. (c) Siquidem à Completorio Sabbati, ad alterum usque proximi Sabbati Completorium in altissimo quodam excessu tamquam mortuus perstitit; quem utique terrae mandassent pii quidam homines, nisi rem diligentius contemplati, ac pertentato corpore, latentem in eo vitam, ex tenui cordis palpitatione sensissent.

X. Licet corpus ista patiatur, anima tamen nihil inordinatum sentit, ut Gregorius ait; (d) sed illustratione divinà, et ineffabili suavitate referta, divina arcana, aut futura cognoscit per visionem imaginariam, vel intellectualem, de quibus statim.

CA-

(a) 10.3. (b) Apoc. 1.17. (c) Boland. in vit. (d) Ubi sup.

CAPUT VIII.

De visionibus Prophetiis.

I. **A**ugustini sententiâ superius tradidimus, tria esse visionum genera: „ et nunc (*liceat, uti verbis S. Doctoris*) breviter eis insinuat, quoniam suscepta „ quaestio flagitat, ut de his aliquanto uberiùs disseramus, debemus ea certis, et congruis signare nominibus, ne assiduè circumloquendo, moras faciamus. Primum ergò appellemus corporale, quia per corpus percipitur, et corporis sensibus exhibetur. Secundum spiritale; quidquid enim corpus non est, et tamen ali- „ quid est, jam rectè spiritus dicitur; et utique non est „ corpus, quamvis corpori similis sit, imago absentis „ corporis, nec ille ipse obtutus, quo cernitur. Tertium „ verò intellectuale ab intellectu, quia mentale à mente. „ Tria igitur ista genera visionum singulatim consideranda sunt, ut ab inferioribus ratio ad superiora cons- „ cendat. „ (a)

II. Quando autem corporeae, sive sensibiles visiones contigant, explicat ipsemet Augustinus. „ Cum vi- „ gilantes, *ait*, neque mente à sensibus corporis aliena- „ tâ, in visione corporali sumus, et interiùs ab his om- „ nibus (*imaginariis*) ita discernimus illa corporalia, „ quae videmus, et in quibus praesentibus sunt sensus „ corporis nostri, ut non dubitemus, haec esse corpo- „ ralia, illa verò imagines corporum. „ (b)

III. Modus verò, quo hae visiones perficiantur, egregiè, ac luculenter docet Gregorius. (c) „ Aliquando, „ *ait*, imaginibus, et ante corporeos oculos, ad tempus „ ex aëre assumptis, per Angelos loquitur Deus: sicut „ Abraham non solum tres viros videre, potuit, sed

„ etiam

(a) Lib. 12. de Gen. ad litt. c. 7. (b) Ib. c. 12. (c) 28. Moral. c. 2.

„ etiam habitaculo terreno suscipere potuit, et non so-
 „ lum suscipere, sed eorum usibus etiam cibos adhibe-
 „ re. Nisi enim Angeli quaedam nobis interna nuntiantes,
 „ ad tempus ex aëre corpora sumerent, exterioribus
 „ profectò nostris obtutibus non apparerent: neque ci-
 „ bos cum Abraham caperent, nisi propter nos solidum
 „ aliquid ex coelesti elemento (*puriori iëre*) gestarent.

IV. Aliud autem genus visionis, quod Augustinus spiritale vocat, et nos imaginarium dicimus, est illud, quo imaginationi aliquid spectandum proponitur. Efficitur enim per species, seu figuras, et imagines rerum, quas in phantasia existentes habemus, et sensibus externis hausimus, quae supernâ virtute ita ordinantur, ut propositum objectum clarè, et perspicuè exprimant, infusâ tamen divinâ luce, ad intelligendum quid significet.
 „ Sunt visiones, *ait ipsemet Augustinus*, quae apparent
 „ spiritui tamquam corporis sensibus, non solum dor-
 „ mientibus, vel furentibus, sed aliquando sanae men-
 „ tis vigilantibus: non per fallaciam illudentium daemo-
 „ num, sed per aliquam revelationem spiritalem, quae
 „ fit per formas incorporeas, corporibus similes. “ (*a*)

V. Hanc eandem rem distinctiùs explicat Joannes à Cruce. (*b*) „ Sciendum est, *ait ille*, quod quemadmo-
 „ dum quinque exteriores sensus imagines, et species
 „ objectorum suorum phantasiae, et imaginationi pro-
 „ ponunt, et repraesentant; ita possunt absque exteriorum sensuum interventu easdem species, et imagines multò vivaciùs, et perfectiùs supernaturaliter repraesentari, quemadmodum passim in sacris litteris apparet; ut cum Deus gloriam suam manifestavit inter Seraphicos Spiritus, qui alis velabant facies, et pedes: et cum ostendit Jeremiae virgam vigilantem; Danieli alias visiones: “

VI. Atqui non solum per adquisitas rerum species hoc visionis genus perficitur; sed etiam per novas à Deo, vel Angelo immissas imagines phantasiae, quae

adeò

adeò firmiter inhaerent, ut ab eis distrahi, et averti prolibito nequeat; et si aliqua intersit persona, sic phantasiâ percellit, et movet, ut et oculis corporis aspicere, et vox ejus auribus percipi, videatur. Trita, et notissima in Prophetis Isaia, Ezequiele, Zacharia, et Joanne reperiuntur exempla, quae propterea consultò praetermittimus.

VII. Illud interea est observandum, non semper ea, quae in prophetis visionibus offeruntur, per proprias objectorum imagines referri; sed multoties per apposita quidem symbola, et aenigmata cernuntur, ut Ezequieli, Joanni, aliisque contigisse, novimus. Quapropter omnia in eis contenta, sive oblata diligentius sunt consideranda, quippe in ipsis nil certè apparet, quod veram sibi non vindicet significationem. Pro rei claritate exemplum sit Danielis visio. (a) *Aspicebam, et antiquus dierum sedit: vestimentum ejus candidum, quasi nix, et capilli capitis ejus quasi lana munda; thronus ejus flammae ignis, rotae ejus ignis accensus. Fluvius igneus, rapidusque egrediebatur à facie ejus.* Senili specie apparuit antiquus dierum, ut aeternitatem suam ostendet: vestimento candido amictus, propter purum, sincerumque judicium, quod in judicando exercet, ut rectissimus Judex: albis capillis ornatus, propter judiciorum summam sapientiam, maturitatem, et aequitatem: throno insidens, propter supremam majestatem: igne circumdatus, propter operandi efficaciam: igneis rotis vehitur, quia omnia celeriter, et absque ulla temporis mora lustrat, et videt: fluvius igneus, rapidusque egrediebatur à facie ejus, quia ultio cognitione, et discretione à divino Judice in improbos decreta, festina venit. Hinc facili labore quisquam eliciet, Deum apparere eo modo, atque habitu, qui praesenti rerum statui, aut rei, cujus gratiâ se ostendit, accommodatior est. Idcirco à Moysè conspicitur in ardenti rubo, ut innueret, uri se, pungique graviter iis incommodis, quibus apud Aegip-

tios premebatur populus. Amos apparet super murum cum trulla caementarii, quia de vastitate sermo erat : et à morienti , vel potiùs pugnanti Stephano stans videtur, quasi cum illo simul pugnaturus.

VIII. Duo autem supersunt , quae silentio preme-
re, non debemus. Alterum est , ferè omnes Propheta-
rum visiones fuisse imaginarias , et in oblati speciebus
ventura prospexisse. „ Ibi, ait *Augustinus, de his visioni-*
„ *bus loquens, (a)* etiam videntur futura , ita ut omninò
„ futura noscantur , quorum imagines praesentes viden-
„ tur , sive ipsâ hominis mente divinitùs adjutâ , sive
„ aliquo inter ipsa vissa, quid significant, exponente. “
Sic igitur Jeremías (b) in olla succensa à facie Aquilonis
versùs Jerusalem, futuram Hebraeorum vastationem vi-
dit : et Daniel (c) in quatuor bestiis ascendentibus è mari,
quatuor Orbis imperia, quae diverso tempore floruerunt,
et eorum vicissitudines cògnovit, et aliaequidem multae
imaginae, quorum catalogum texere, prolixum est
opus.

IX. Alterum verò est , Deum numquam per se ap-
parere, nisi alicujus Angeli ministerio, vices ejus gerentis;
et omnes penè visiones , in quibus spectandum se prae-
buit, impersonales fuerunt , ut comunis Theologorum
fert opinio : sed inter alias excipimus illam Isaiae prae-
cipuam ; quâ per convenientia symbola Deum Patrem,
et Verbum ejus, et utriusque Spiritum primò per corpo-
ralem visionem, postea per imaginariam , et tandem per
intellectualem (non intuitivam) Triadem in Monade, et
Monadem in Triade vidit.

X. Postremum visionis genus est intellectuale,
quod omninò spirituale est, et non in sensu exteriori,
non in phantasia, seu imaginatione, sed solò in intellectu
perficitur. Est etiam et omnium praestantissimum ; nam
visione intellectuali mens nostra omne corpus, omnesque
corporeas imaginationes, ac similitudines transcendit, et
in ipsa veritatis luce requiescit. Haec autem visio cum
ab

(a) Lib. 12. de Gen. ad litt. c. 26. (b) c. 1. (c) c. 12.

ab Augustino ineffabilis vocitetur, (a) eam exponere, temerè aggredieremur. Quapropter id tantum addere, possumus, quod ipsemet S. Doctor nobis reliquit. Siquis verò objiciat, saepius nos ad Augustinum confugere, meminerit, Parentum labores filiorum haereditatem esse. Sic igitur ille divino, quo pollebat, ingenio matri suae causam, et modum hujus visionis enarrans, eam describit. (b) „ Si „ cui sileat, *ait*, tumultus carnis; sileant phantasiae terrae, et aquarum, et aëris; sileant et poli; et ipsa sibi „ anima sileat, et transeat se, non se cogitando; sileant „ somnia, et imaginariae revelationes, omnis lingua, et „ omne signum, et quidquid transeundo fit, si cui sileat „ omnino; quoniam si quis audiat, dicunt haec omnia: „ non ipsa nos fecimus, sed fecit nos, qui manet in aeternum. His dictis, si jam taceant, quoniam erexerunt aurem in eum, qui fecit ea, et loquatur ipse solus, non „ per ea, sed per se ipsum; aut audiamus verbum ejus, „ non per linguam carnis, neque per vocem Angeli, nec „ per sonitum nubis, nec per aenigma similitudinis; sed „ per ipsum, quem in his amamus, ipsum sine his audiamus, sicut nunc extendimus nos, et rapidâ cogitatione „ attingimus aeternam sapientiam super omnia manentes longè imparis generis, et haec una rapiat, et absorbeat, et recondat in interiora gaudia spectatorem suum, ut talis sit sempiterna vita, qualis fuit hoc momentum intelligentiae, cui suspiravimus. Nonne hoc „ est, *intra in gaudium Domini tui?* „ Haec ille, cujus verba non ab homine, sed ab Angelo videntur prolata. Ergo intellectualis visio in apice mentis tantummodò perficitur.

XI. Divinum hoc, et ineffabile donum aliquibus piis hominibus sanctimoniâ praestantibus aliquando fuit concessum. De Moyse, et Paulo asserit Augustinus: (c) de Benedicto affirmat Gregorius: (d) de Francisco refert Bon-

E

na-

(a) Lib. 12. de Gen. ad litt.

(b) Lib. 9. Confes. c. 10.

(c) Ubi cup.

(d) In ejus vit.

naventura: (a) de Virgine Teresia ipsamet testatur: (b) immò et Alvarezius credidit de Ignatio. (c) Hinc illud ab ipso toties repetitum: ut etiamsi nulla extarent Christianae religionis monumenta, vel testimonia, nequaquam tamen dubitaret ex iis tantummodò, quae, Deo sibi aperiente, cognoverat. (d)

CAPUT IX.

De Prophetiae subjecto.

I. **D**Eum non respicere, nec aetatem, nec sexum, nec personarum conditionem, Pauli testimonio conscii sumus; (e) et nullum esse ipsius donum, quod in improbis quoque esse, non possit, preter gratiae sanctificantis spiritum, Theologorum omnium stabilitum est dogma. Quapropter omnis intelligens, et creata natura Prophetiae capax esse, valet. Samuel, et Daniel adhuc pueri Prophetiam claruerunt: Maria soror Moysis, et Elizabeth illustres fuerunt Prophetissae: sceleratus Balaam praeclarum de Christo edidit vaticinium: et etiam quaedam mulieres gentiles, quas Sybillas vocant, et quarum insignis virginitas fuit, et virginitatis fuit praemium divinitio, ut Hieronimus ait, (f) multorum sententiam à Divino Spiritu instructae, quaedam de Christo prophetarunt.

II. Nulla verò est naturalis dispositio, nullaque ars, aut solertia, quam Prophetiae spiritus comparari, queat. Si inter naturalia sunt aliqua, quibus homo adjutus, ad vaticinandum excitet spiritum, Musice presertat: hanc enim, ut auctor est Rupertus, (g) spiritus hominis intus movetur, et concussis penetrabilibus cordis sensu divinae laudis, gratiam Spiritus Sancti sus-

ci-

(a) Ubi sup. (b) In vit. c. 27. (c) Lib. 5. p. 3. c. 14.
 (d) Boland. in vit. (e) Ephes. 6. 9.
 (f) Lib. 1. cont. Jovin. (g) In 4. Reg. 3. 15.

„ citatur. “ Hinc viri pii ad affectus in contemplatione excitandos, Musices concentus, ac modulationes saepius adhibuere: et Eliseus divino spiritu afflari cupiens, psalterium praecepit, sibi adduci, quo pulsato, *cumque caneret, facta est super eum manus Domini, (a)* et multa prophetavit.

CAPUT X.

De Vaticanii criterio.

I. „ **D**iscretio sanè difficillima est, ait *Augustinus*, cum spiritus malignus, quasi tranquillus agit, ac sine aliqua vexatione corporis, assumpto humano spiritu, dicit quod potest; quando etiam vera dicit, et utilia praedicat, transfigurans se, sicut scriptum est, *velut Angelum lucis, ad hoc, ut cum illi in manifestis bonis creditum fuerit, seducat ad sua. Hunc discerni, non arbitror, nisi dono illo, de quo ait Apostolus, cum de diversis Dei muneribus loqueretur: alii dijudicatio spirituum. Non enim magnum est tunc eum dignoscere, cum ad aliqua pervenerit, vel perduxerit, quae sunt contra bonos mores, vel regulam fidei: tunc enim à multis discernitur. Illo autem dono in ipso primordio, quo multis adhuc bonus apparet, continuo dijudicatur, an malus sit. “ (b)*

II. Ergò sola Christi Ecclesia absque ullo erroris periculo veras à falsis discernere potest Prophetas: est enim columna, et firmamentum veritatis; cuius auctoritate Augustinus motus, Evangelio credidit. Tamen Patres, et Theologi consulendi, et ii praecipue, qui benè meriti sunt de Ecclesia, cui hoc opusculum, et omnia nostra vel dicta, vel facta sincero, et libentissimo animo subijcimus.

(a) 4. Reg. 3. 15. (b) 12. de Gen. c. 13.

O. A. M. D. G.



Engr. en S. Jph. à 1760. par.

